



**REPUBLIKA E SHQIPËRISË
KOMISIONI QENDROR I ZGJEDHJEVE**

V E N D I M

PËR SHPALLJEN E MOSZGJEDHSHMËRISË TË KANDIDATIT TË RADHËS NË LISTËN SHUMEMËRORE TË PARTISË SOCIALISTE, QARKU GJIROKASTËR, Z. LAERT SEIT DURAJ, PËR PLOTËSIMIN E VAKANCËS SË NJOFTUAR NGA KUVENDI I SHQIPËRISË.

Komisioni Qendror i Zgjedhjeve në mbledhjen e datës 15.05.2019, me pjesëmarrjen e:

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

Shqyrtoi çështjen me

OBJEKT:

Për shpalljen e moszgjedhshmërisë si deputet i Kuvendit, të kandidatit të radhës në listën shumëmemërore të Partisë Socialiste, Qarku Gjirokastrë, z. Laert Seit Duraj, për plotësimin e vakancës së njoftuar nga Kuvendi i Shqipërisë.

Baza Ligjore:

Neni 23, pika 1, germa "a", neni 164, pika 2, i ligjit nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar, neni 11, i ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe kreu II, pika 2, 3, e vendimit nr. 17/2016 të Kuvendit "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015.

KQZ pasi shqyrtoi dokumentacionin e paraqitur dhe dëgjoi diskutimet e përfaqësuesve të partive politike,

VËREN

Nëpërmjet shkresës nr. 1981/1 prot., datë 13.05.2019, drejtuar Komisionit Qendror të Zgjedhjeve, Sekretari i Përgjithshëm i Kuvendit z. Genci Gjonçaj, njofton krijimin e vakancave në Kuvendin e Shqipërisë, për shkak të përfundimit të parakohshëm të mandatit të deputetëve të zonës zgjedhore, Qarku Gjirokastrë, të subjektit politik Partia Socialiste.



Nr. 400 i Vendimit Data 15.05.2019 e Vendimit Ora 18:00 e Vendimit

Për shpalljen e moszgjedhshmërisë si deputet i Kuvendit, të kandidatit të radhës në listën shumëmemërore të Partisë Socialiste, Qarku Gjirokastrë, z. Laert Seit Duraj, për plotësimin e vakancës së njoftuar nga Kuvendi i Shqipërisë

Neni 164 i Kodit Zgjedhor përcakton se në rast të ndërprerjes së mandatit të deputetit, Kuvendi njofton Komisionin Qendror të Zgjedhjeve, për krijimin e vakancës në Kuvendin e Shqipërisë dhe Komisioni Qendror i Zgjedhjeve merr vendim për dhënien e mandatit, kandidatit të radhës në listën shumëmemërore, të së njëjtës parti politike në zonën zgjedhore përkatëse, regjistruar sipas nenit 67 të Kodit Zgjedhor.

Komisioni Qendror i Zgjedhjeve me vendimin nr. 555, datë 26.07.2017, shpalli rezultatin përfundimtar të zgjedhjeve për Kuvendin e Shqipërisë datë 25.06.2017, miratoi listën shumëmemërore të deputetëve të zgjedhur për çdo subjekt për çdo zonë zgjedhore. Sipas vendimit të sipërcituar Partia Socialiste për zonën zgjedhore Qarku Gjirokastrë, për zgjedhjet për Kuvendin e Shqipërisë të datës 25 Qershor 2017, ka fituar 03 (tre) mandate dhe kandidatët fitues nga lista shumëmemërore e Partisë Socialiste, Qarku Gjirokastrë, janë numri rendor 01 (një) z. Bledar Triumf Çuçi, numri rendor 02 (dy) znj. Mirela Mentor Kumbaro (Furxhi), numri rendor 03 (tre) z. Flamur Sejdi Golemi.

Rezulton se lista shumëmemërore e Partisë Socialiste, Qarku Gjirokastrë, i plotëson të gjitha kriteret e përcaktuara në nenin 67 të Kodit Zgjedhor, duke përfshirë dhe kriterin e gjinisë. Në këto kushte zëvendësimi i vakancës do të bëhet sipas përcaktimeve të nenit 164, pika 2, të Kodit Zgjedhor me kandidatin e radhës.

Sipas listës shumëmemërore të kandidatëve për deputet për zonën zgjedhore Qarku Gjirokastrë, të Partisë Socialiste, rezulton se, kandidati të cilit i kalon mandati i deputetit, është kandidati me numër rendor 04 (katër) z. Laert Seit Duraj.

Referuar nenit 11, të ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike", vetëdeklarimi dhe verifikimi i kushteve të të dhënave në përputhje me këtë ligj, kryhet për çdo kandidat të listës shumëmemërore për zgjedhjet pararendëse, për Kuvendin, të cilit i takon të marrë mandatin e deputetit për vendin vakant, sipas Kodit Zgjedhor.

Komisioni Qendror i Zgjedhjeve në zbatim të kreut II, pika 3, e vendimit nr. 17/2016 të Kuvendit "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, me shkresën nr. 3576 prot., datë 14.05.2019, i është drejtuar z. Laert Seit Duraj, duke e njoftuar për depozitim në KQZ të formularit të vetëdeklarimit për garantimin e integritetit të kandidatit.

Në përgjigje të kërkesës për dorëzimin e formularit të vetëdeklarimit, z. Laert Seit Duraj, me shkresën nr. 3629 prot, datë 15.05.2019 ka dorëzuar në Komisionin Qendror të Zgjedhjeve njoftimin ku deklaroi se: **Refuzoj të dorëzoj Formularin e Vetëdeklarimit, duke refuzuar të pranoj propozimin e KQZ për kandidimin, zgjedhjen apo emërimin.**

Referuar nenit 5, pika 2, të ligjit nr. 138/2015 dhe kreut II, pika 2, të vendimit të Kuvendit nr. 17/2016 refuzimi për të dorëzuar formularin e vetëdeklarimit ose mosparaqitja e formularit përbën shkak për mosregjistrimin apo moszgjedhshmërinë e kandidatit si deputet i Kuvendit. Në këtë rast, organi kompetent ndërpret procedurën për propozimin e këtij subjekti për t'u kandiduar, zgjedhur apo emëruar në atë funksion publik.



Nr. 400 i Vendimit Data 15.05.2019 e Vendimit Ora 18:00 e Vendimit

Për shpalljen e moszgjedhshmërisë si deputet i Kuvendit, të kandidatit të radhës në listën shumëmemërore të Partisë Socialiste, Qarku Gjirokastrë, z. Laert Seit Duraj, për plotësimin e vakancës së njoftuar nga Kuvendi i Shqipërisë

Në këto kushte referuar nenit 11, pika 2, të ligjit nr. 138/2015, duke qenë se kandidati i radhës në listën shumemërore të Partisë Socialiste, Qarku Gjirokastrë, refuzoi të paraqesë formularin e vetëdeklarimit, KQZ shpall faktin e moszgjedhshmërisë të z. Laert Seit Duraj, si deputet në Kuvendin e Shqipërisë dhe të fillojë procedurën për zëvendësimin e mandatit me kandidatin vijues sipas rregullave të përcaktuara në nenin 164, të Kodit Zgjedhor.

PËR KËTO ARSYE:

Komisioni Qendror i Zgjedhjeve, mbështetur në nenin 23, pika 1, germa "a", neni 164, pika 2, i ligjit nr. 10019, datë 29.12.2008 "Kodi Zgjedhor i Republikës së Shqipërisë" i ndryshuar, neni 11, i ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", kreu II pika 2, 3, e vendimit nr. 17/2016 të Kuvendit "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015",

VENDOSI:

1. Të shpall moszgjedhshmërinë si deputet në Kuvendin e Shqipërisë të kandidatit të radhës në listën shumemërore të Partisë Socialiste, Qarku Gjirokastrë, z. Laert Seit Duraj.
2. Ky vendim hyn në fuqi menjëherë.
3. Kundër këtij vendimi mund të bëhet ankim brenda 45 ditëve, në Gjykatën Administrative të Shkallës së Parë Tiranë.

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

